

Ministarstvo unutrašnjih poslova Kantona Sarajevo, UPRAVA POLICIJE, ulica La Benevolencija broj 16, koga zastupa Policijski komesar, generalni inspektor policije Mevludin Halilović, (u daljem tekstu Kupac)

i
„MIBO KOMUNIKACIJE" d.o.o Sarajevo, Tvornička broj 3, Sarajevo, koga zastupa direktor Marko Boštjančić (u daljem tekstu: Prodavac)

zaključili su:

UGOVOR O NABAVCI STACIONARNIH RADARA ZA MJERENJE BRZINE VOZILA

PREDMET UGOVORA I CIJENA

Član 1.

Predmet ugovora je nabavka stacionarnih radara za mjerenje brzine vozila, prema tehničkoj specifikaciji iz ponude Prodavca (2 komada), za potrebe Ministarstva unutrašnjih poslova Kantona Sarajevo - UPRAVA POLICIJE, putem otvorenog postupka, objavljivanjem obavještenja o nabavci broj: 16475-1-1-63-3-81/18 od 03.10.2018.godine, na osnovu Odluke o izboru najpovoljnijeg ponuđača broj: 02-14-4-6722-2 od 02.11.2018. godine. Ponuda Prodavca broj: 1680/18 je sastavni dio ovog ugovora.

Ukupna cijena predmetne nabavke sa PDV-om, iznosi 270.036,00 KM
(dvijestonesedamdesethiljadatridesetšest KM)

Cijena i ostali elementi ovog Ugovora se ne mogu mijenjati.

GARANCIJA ZA DOBRO IZVRŠENJE UGOVORA

Član 2.

Prodavac se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

ROK I NAČIN ISPORUKE

Član 3.

Rok isporuke ugovorene opreme je 90 dana od dana potpisivanja ugovora. Sve troškove isporuke do primopredaje, kao i troškove reklamacije snosi Prodavac. Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. ovog Ugovora.

Član 4.

Kašnjenje u realizaciji Ugovora povlači obračun ugovorene kazne u visini od 1% od vrijednosti ovog Ugovora za svaku punu sedmicu kašnjenja do urednog ispunjenja, s tim da ukupan iznos ugovorene kazne ne može biti veći od 10% od vrijednosti ovog Ugovora.

Član 5.

Ukoliko Kupac ocijeni da Prodavac nije u stanju kontinuirano i kvalitetno izvršavati preuzete obaveze, odnosno ukoliko ponuđena oprema nije u skladu sa datom ponudom iz člana 1. ovog Ugovora, Kupac može jednostrano, bez saglasnosti Prodavca, raskinuti ovaj Ugovor.

NAČIN PLAĆANJA

Član 6.

Plaćanje se vrši u roku od 30 dana od dana ispostavljanja fakture, uplatom na račun Prodavca.

GARANTNI ROK

Član 7.

Garantni rok za isporučenu opremu iz člana 1. ovog Ugovora je dvanaest (12) mjeseci od dana isporuke.

Prodavac se obavezuje da po potrebi Kupca obezbjedi originalne rezervne dijelove i servisiranje opreme koje pokriva garancija u toku trajanja garantnog perioda.

Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

RJEŠAVANJE SPOROVA

Član 8.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 9.

Ovaj Ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 10.

Ugovor stupa na snagu danom potpisivanja ovlaštenih predstavnika i traje do realizacije ugovorene isporuke.


PRODAVAC


direktor, Marko Boštjančić

Broj : 277/18
Datum : 19.11.2018

KUPAC

**MUP KANTONA SARAJEVO
UPRAVA POLICIJE**


**POLICNSKI KOMESAR
Generalni inspektor policije
Mevludin Halilović**

Broj : 02-14-4-7863
Datum : 19.11.2018